

頤道堂詩外集

頤道堂詩外集卷七

錢塘 陳文述 退庵

古今體詩 香奩二

茉莉夫人鬼磨詞和舒鐵雲作

舒鐵雲瓶水齋詩序云夫人爲波斯匿王次妃鬼磨則頑石耳袁中郎遊德山記云兩巒之間爲凹前則茉莉夫人鬼宮道也郡志引張三丰集中茉莉元君謂卽夫人竝稱磨在竹林中宣鑒和尚德山參證時夫人以磨磨麪俱養或以夫人卽諸天中摩利天所稱鬼子母胡竹巖引內典作詩駁之所謂素衣齋日香生絡息女宮中雪換肌者其言

茉莉夫人一見瓔珞經一見法苑珠林而於鬼磨
仍無著也舟過常德輒爲一詩記之詩云王妃鬼
母兩茫然辛苦中郎記一篇花好便開香世界石
頑難結佛因緣五三福地誰能到六萬夫人只此
傳若話鹽師參證跡竹林深處有寒烟

八百媳婦交阯國六萬夫人本行經帝釋姻緣說瓔珞人
天華妙此娉婷淨因香界參芬利色相花間葬素馨善世
城中同供養空山遺址問支礪

婉凌華

仙人能避俗惟有婉凌華不入許瀝夢肯來張頌家人間
自明月天上有桃花獨拊五靈石碧空飛絳霞

題杜蘭香畫像

湘草湘花託姓名五銖衣薄御風行
大羅天上春如夢小謫人間月有情
金母前頭閒弄瑟瑤姬隊裏學吹笙
何當乞取長生藥鸞鶴相隨上碧城

紫陽觀訪唐女道士邊洞元升仙處

跨鶴驂鸞去若烟始知蓬島有神仙
士人不嫁崔羅什寒女真同謝自然
九轉丹成應出世五銖衣薄易升天
紫雲樓閣都零落人世於今又幾年

鳳昇井天女與董永別處

冰絲縑盡韞雲鬟河上辭郎去不還
當日寶釵畱地上至今睂井在人間
香螺蹟幻長臨水痴虎人歸飽看山
底事

秦臺不雙去仙緣也似世緣慳

玉連環室賞秋第一集分賦畫屏女仙得盧眉嬾

眞合蛾眉署小名青天一摺月初生天姿畢竟神僊好生
就連娟畫不成

跨鶴驂鸞第幾羣白花飛蝶散羅裙仙家別有逍遙處碧
海空濛隔紫雲

甲夜雲宮白鳳車玉眞楷法寫薑芽如何絕妙鍼神手不
繡靈飛繡法華

寫月摹雲見逸才東華小傳誦徘徊瓊宮倘有拈鍼地應
繡羅浮處士來

題朝鮮女士許蘭雪

景葵

詩集

中華傳唱艷傾城東國聲詩最擅名王母侍兒都絕世步
虛祇有許飛瓊

麗才不數月君婷閒倚青鸞聽紫雲應與純狐爲眷屬廣
寒曾草上梁文

女上八歲曾作
廣寒宮上梁文

鍊峽龍歸霸業荒攀髯人去海雲涼穆陵秋老斜陽暮獨

上高臺弔國殤

適進士金成立成
立殉國女士以節著

金釵首飾長相憶更學崔家五字詩菊秀蘭衰秋八月寒
泉應薦女郎祠

輶軒採得烏絲寫僊骨珊珊稱五銖爲問貞蕤老居士
鮮使臣年來更有此人無
朴齊家

漢趙飛燕玉印歌

昆刀劃雪流春乳宛轉雙螭靜無語胭脂紅暈漢宮春小
印流傳趙宐主宐主風流舊有名漢家天子重傾城平陽
歌舞春如海一顧當筵早目成便娟最得君王意蛤帳宵
明玉顏麗石華廣袖紫英褰頃刻六宮傳故事蛾眉當日
正中宮椒殿香生四壁紅赤鳳歌中春正好綠熊席上暖
初融此印氤氲蘊蘭麝雕鐫小字珍無價藏處惟宐金屑
茵裏來定展香羅藉精金彊指幾番拈紫玉膏盛碧玉奩
樊嫔簿中湘碧亞彭籤書上桂紅鈴遠條別館開春宴歸
風送遠畱題徧省識何方署最多七寶屏風九華扇卷髮
新粧麗曉霞更聞女弟擅容華金釭銜壁流蘇帶爭羨昭
陽第一花再拜嘉辰貴人姊奏書定亦工文史蓮枕同心

菱鏡圓芳鐙照字明如水亦有當年辭輦人甘心明月照
長門淒涼一卷東宮賦華殿蕭條起暗塵木門零落倉琅
朽赫蹏書字今何有祇餘片玉暈桃花仙乎曾綰纖纖手
宮闕西京事總非鳳皇琴斷冷金徽一函畱得藍田壁莫
化釵頭白燕飛

綠珠玉笛

血花沁紅土花碧一聲入破仙雲裂千秋古玉口脂香云
是當年綠珠遂雙角山前汲井華白州原是舊兒家明珠
十斛猶嫌少房老爭看第一花天生夙慧眞眉嫵紅闌手
製新翻譜自憐玉指按玲瓏一片香塵萬花舞爭奈繁華
逝水流齊奴步障眼前收美人甘爲將軍死萬點燕支泣

畫樓此遂應知錦囊護定教弟子親攜去天顏一笑六宮
愁何年玉匣歸陵墓世事升沉有變遷蘭亭又見出人間
偶逢花發思金谷聽到燈殘憶玉顏沉檀薰櫝勞珍襲換
來豈但千金直莫向尊前奏落梅怕教花墮紅香濕

張麗華鏡

繡囊蘭匣香雲起一握銀華澹秋水雙鸞不舞鵲空飛軼
事無端譚結綺當年三閣起層樓寶帳珠簾不上鉤玉樹
花開瓊樹艷蛾眉第一最風流狎客擘牋矜玉貌紅綃小
研詞親報憶向黃奴膝上看金釵兩鬢畱雙照桂宮長日
啟粧臺牀下軍書又幾堆桃葉山前陳鐵騎可曾照見敵
兵來含毫倚檻憐花影苔痕曾濕胭脂井分離猶勝樂昌

悲歛花血染青溪冷綠蠡紅梁短夢寒可憐地下尙團圓
愛他曾照嫦娥貌當作南朝璧月看

題吳絳仙畫眉圖

璧月團團貼寒玉菱花香散沉檀檀鏡裏何人絕代姿自
寫長眉點蛾綠憶昔君王南幸年三千殿腳盡嬋娟春波
照影流紋媚第一風流說絳仙橫雲卻月生纖手絳仙眉
黛真無偶淮浦何勞認遠山汴隄不必誇新柳柳影山痕
未許同夫人封號勅崆峒嬋姬祇合藏金屋姬嬋何容嫁
玉工月觀清寒愁獨處北苑新粧好眉嬋學畫雅黃半未
勾慙生應笑司花女分明桃葉渡江來笑倚新粧賦落梅
日日司宮給螺子六宮爭羨畫眉才合歡雙果君恩賜淒

涼無復同心意空憐才藻似相如紅牋親報鴛鴦字從古
蛾眉國色難玉鈎芳草怨春寒沉吟寶帳延秋月畫裏依
然秀可餐

奉華堂硯

玉蟾滴盡天水碧琉璃寶匣螺花飾紫雲細膩仙露寒香
姜銅雀無顏色憶昔光堯南渡年六宮祇候盡嬋娟大劉
妃子尤明艷德壽宮中第一仙頭銜先署紅霞帔金銀不
羨中宮貴畫筆朝摹補袞圖內批夜錄蘭亭字小妹風流
貌最芳羽衣愛作道家粧玉笙吹徹雙花發竝蒂芙蓉侍
玉皇此硯當年雕石髓揮毫題徧澄心紙閱盡繁華七百
年一雙鸚眼清如水報恩高建梵王宮樓閣高寒倚碧空

金輿鳳幃人何在畱得孤墳夕照中鳳皇泉畔青山曲萬
樹梅花浸寒玉閉關頌酒印空傳春來芳草年年綠百年
小劫又紅羊金粉飛灰海月涼半壁江山畱一硯至今猶
說奉華堂

題文端容女士

淑自寫小影

冰綃眞合練香熏姑射仙姿最不羣畫閣簾櫳閒聽雪紅
闌家世憶停雲解摹老輩烏絲格恰稱高堂白練裙等是
玉臺雙管筆一奩秋水寫苔紋

題長離閣遺集

春水蘭陵弔玉臺墨花香盡肯長開青鸞雲散紗厨影白
蝶花飛錦字灰甲帳繡襦寒夜月丁簾畫檻黯秋苔昆靈

曲後華清曲唱到蟬絲惜鬼才

碧海青天信有之瑤壇慧業托微詞春泥香冷瓊姬墓夜
燭寒書玉女碑萬軸靈飛司蠹粉十重忉利住蛾眉情緣
不共秋雲斷花葉緘題百三詩

英才都合讓媼姪江左何人說尹邢文錦花殘曾織字韻
紗蟲網舊傳經芳蘭幽怨招湘女翠羽徘徊弔洛靈誰是
南朝徐孝穆驛軒詩序簡齋銘

爭禁騎省不傷神蠹篋殘縑半食貧嚼蕊吹花工宛轉歌
離弔夢總酸辛天憐姬嬖先埋玉我識嫦娥是結璘惆悵
扶風門下士學書遲拜衛夫人

題駕湖女士黃皆令

媛介

楷書麻姑僊壇記并書雕

隱集後

凡心容易得神鞭省識前塵鳥爪僊一卷僊壇遺墨在簪
花格寫蕊珠篇

學梳高髻古時粧補屋牽蘿怨夕陽自著新詩署離隱不
知湖水是鴛鴦

白門紈扇重詞壇修竹檀欒翠袖寒愁絕江南吳祭酒六
朝烟雨賦長干

梅村集中鴛湖閨
詠爲皆令作也

美人遲暮總無憂花落蘼蕪水國秋青鳥不來金鴈冷銅
奩空憶絳雲樓

小楷鍾王大字蕭丹青餘事點生綃當年寫韻高樓在畫

檻下簾間段橋

皆令會寓西湖段橋
見陳其年婦人集

清門憔悴感餘哀淚溼羅襟悵別懷湘女洛神同絕世詩

名更憶臥雲齋

皆令女兄皆德名媛貞亦工詩有臥雲齋集北風悵以栗不忍吹羅襟送皆令句也

雜體江淹三十首花殘銀燭詠宵分尊前換得迴文字爭

似髯翁乞紫雲

指春間事

芙蓉雙髻髮垂腰不讓龍眠擅白描欲就麻姑乞春露蓬萊清淺不通潮

爲吳冰僊修墓詩以紀事

冰僊吳氏名綃又字素公長洲人國初許參政

瑤之室也封淑人工詩善畫所著嘯雪菴詩自序

有云學蔡女之琴書借甄家之筆研細素經心丹

黃在手可想見其人矣合葬墓在常熟東門外百

餘年樵侵牧踐僅存孤塚族裔廷誥訪以見告爲
立短碣誌之禁采樵焉

汝南月旦舊風華詠絮人來豔曉霞人以簫鸞比仙侶我
言管趙是名家延秋定泛琴河月銷夏宜簪茂苑花回首
百年金粉盡春城綠樹又啼鴉

玉枰棋子玉琴弦錄竟墉城補集仙嘯雪菴中春閨寂凝
香樓外月嬋娟鏡鸞箏雁皆黃土扇蝶屏花總綠烟讀到
紫微親製序一函唐韻尙依然

爲君十步禁樵蘇短碣重題古路隅麥飯誰尋寒食燕野
棠猶弔夜啼烏同時勝侶皆消歇後世相知更有無一事
心頭終未竟墓門何處柳蘼蕪

題黃蕤圃重刊唐女道士魚元機詩集

遮羞羅袖浣香塵
潛淚花間感舊春
解得有情勝無價
不

知隣女是何人

易求無價寶難得有
情郎贈隣女作也

不怕吹簫事未諳
文姬有貌更無慙
容華南國誰相竝
最

是東隣姊妹三

集中有和
光威哀詩

丁年甲帳句爭傳
莫悔南華第二篇
如此憐才勝卿相
烏

絲小字寄金荃

集中有寄
溫飛卿詩

應有芸香辟蠹魚
洪韋善本更何如
多情誰是黃公望
肯

較蘭陵繆氏書

蕤圃得蘭陵繆氏本乃取洪邁
唐人集句韋穀才調集較刊之

題朱淑貞斷腸集

白蠶成灰弔玉臺
輕寒微雨怨花開
錢塘山水眞清麗
五

百年中有此才

深情如此合傷春閣淚拋詩酒盞親飛絮滿城驚滿樹斷腸時節斷腸人

輕風翦翦雨絲絲真是人間絕妙詞我欲將花呼小影酴醾春夢海棠詩

新詞歐九擅風流花市春燈照月遊卻有怨情無蕩思莫教更唱柳梢頭

錦字迴文事有無簪花妙筆未模糊聰明也有蘇孃意手寫璇璣一幅圖

題查伯葵撰李易安論後

李清照再適之說向竊疑之宋人雖不諱再嫁然

攷叙金石錄時年已五十有餘雲麓漫抄所載投
綦處厚啟殆好事者爲之蓋宋人小說往往污蔑
賢者如四朝聞見錄之于朱子東軒筆錄之于歐
公比比皆是嘗欲製一文以雪其誣苦未得暇今
讀伯葵所作可謂先得我心因題二絕以當跋語
舊有題漱玉集四詩因併載焉

談孃善訴語何誣卓女琴心事本無賴有琵琶查八十清
商一曲慰羅敷

宛陵新序寫烏絲微雨輕寒本事詩一樣沉寃誰解雪斷
腸集裏上元詞

去年元夜一詞本歐公作後人誤編入斷
腸集遂疑淑真爲佚女與此正同亦不可

不辨也

又題漱玉集

漱玉新詞入大家衛孌風貌亦芳華
桐陰閒話芝芙夢第一銷魂是鬪茶

解賦凌雲擅別裁連錢玉鐙競龍媒
一篇打馬流傳徧如此嬋娟是異才

玉堂爭似紅閨好柏帳金環寫早春
解製貴妃春帖子翰林例有捉刀人

清照爲戚屬撰春帖子詞見能改齋漫錄

歸來堂上燦銀缸紗幔傳經小影幢
愁絕紅樓詩弟子一

逢寒雨過盱江

女士韓玉父受詩法于清照見四朝詩集

題疎香閣遺集後

集名返生香前明吳中才媛葉小鸞所著也

迴文化蠹字成灰笙冷瑤清感玉臺貝葉每從燈下讀曇
花如向雨中開歌離弔夢三秋意鏤雪團香一代才楓冷
凋紅苔慘綠窈窕聞畱與後人哀

秋雲如夢澹無痕花氣常寒玉不溫綺語也知關謫限蘭
因無那種愁根人原似月難畱影詩果如香定返魂賸有
粧臺眉子硯櫻桃微雨自黃昏

弱海歸來絳節迎天風涼薄五銖輕三生慧業神仙果一
面姻緣骨肉情比翼肯隨秦弄玉步虛應勝許飛瓊海棠
太艷梅花瘦莫與羣芳署小名

姊妹花枝各自妍如君真合辨才天猊牀新證蓮臺佛蟾
窟誰尋桂殿仙奩黛綠枯銷夜月鏡花紅碎冷秋烟閒來

怕讀琴清集一曲瓊雲意惘然

琴清閣女史楊蕊淵有題返生香古詩一章極空靈

實渺之致

附錄

楊蕊淵

瓊雲散影仙姝泣海上桃花幾回碧十二飛樓弱水西
返生香斷何從覓空畱妙句寫烏絲鏤雪圍香絕妙詞
千古玉臺遺跡在鮑家小賦謝家詩吟邊想像人如玉
林下風清絕塵俗巧掠鳴蟬薄鬢青雙描出繭修蛾綠
姊妹聯吟擘彩牋疎香粧閣冶春天芭蕉影裏風如扇
荳蔻梢頭月乍弦一家詞藻人間罕雙成合作飛瓊伴
午夢初回倚繡牀晚粧纔試拈花管愛仿官奴寫洛神
曾摹周昉畫朝雲綺琴夜拂銀鈎手金甌朝繡貝葉文

吳江波冷湘娥弔惆悵含顰不成笑紅縷纔牽幔外緣
綠章已赴雲間召夜雨燈昏翡翠屏蓮韉輕躡鳳皇翎
三生慧業知重證一枕遊仙怨早醒猊牀肯下眞師拜
靈姿合受天人戒出世原無不死方忘情且說無生話
懺除綺語竟歸禪穩坐耆尼九品蓮莫向三山譚舊事
又勞天上葬神仙

伊墨卿太守重修東坡先生侍妾朝雲墓碣

碣云東坡先生侍妾曰朝雲字子霞姓王氏錢塘
人敏而好義事先生二十有三年忠敬若一紹聖
三年七月壬辰卒於惠州年三十四八月庚申葬
之豐湖之上棲禪山寺之東南生子遯未斯而天

蓋嘗從比丘尼義沖學佛法亦頗識大意且死誦
金剛經四句偈以絕銘曰浮屠是瞻伽藍是依如
汝宿心惟佛之歸宋紹聖三年丙子歲秋七月立
石清嘉慶六年辛酉歲夏四月郡守伊墨卿重修
豐湖水繞青山路棲禪寺古斜陽暮六如亭畔古榕陰一
杯畱得佳人墓佳人名字說朝雲一夢高唐有夙因家在
西泠橋畔住錢塘蘇小是鄉親大蘇才望推西蜀海內文
章尊玉局買燈疏後判杭州一隄烟柳春波綠揀得名花
最小枝春雲覆額髮初齊十三年紀眞嬌小門外春山學
畫眉攜來鸚鵡能傳語待闕鴛鴦幾時補纔脫青衣便上
升衙齋管領圖書府明月烏飛赤壁秋徐州移節又黃州

清娛高致應重見長侍龍門太史游主人養望才名重門
內文章齊屈宋春月梅花大婦才小星桃葉諸姬夢多少
陽臺雲雨仙鶯鶯燕燕總如烟芳英戀樹貞心在肯學楊
枝別樂天匆匆五嶺何年謫桄榔夜雨愁遷客祇應天女
伴維摩藥爐經卷消晨夕學佛中年更學書簪花妙格寫
歐虞華嚴音義金剛偈併入雲藍索句圖炎雲鬱律瘴烟
深更憶童烏百感侵彈指浮生嗟夢幻蛾眉月小碧天沉
故國迢迢幾千里愁絕南荒葬羅綺招提石塔表孤墳竹
根夜冷荒螢死迴首三生斷後緣更無通德伴伶元埋香
塚小蘼蕪冷短碣猶題紹聖年七百年來墓草平詞人憑
弔不勝情嬋娟別有千秋處肯向花田說素馨汀州詞客

今坡老郎官出守才名好殺粉重書幼婦碑中郎隸古于
今少方響無聲弔琵琶臨川才筆亦風華楚天雲散高臺
圯夢繞羅浮萬樹花

小青曲

情天小劫罡風起片片飛花紅著水零膏冷翠盡成烟美
人甘爲傷心死傷心花命薄於雲絕世才華絕代人佛肯
慈悲憐錦瑟仙因綽約惜羅裙妬婦津頭風又雨倉庚難
療胭脂虎那知妾不羨鴛鴦啼聲信語知何苦遠遼哀秋
帶雨聽斷腸一卷牡丹亭白花紫玉悲前世絮果蘭因懺
此生花開雪滿湖西路一杯自酌蘇娘墓閣門深鎖綠陰
牀知是他年埋玉處冶服明珠玉樣溫碧天人遠澹無痕

畫師可有傳神手寫出亭亭倩女魂鏡潮紅濕芙蓉醒檀
炷香銷梨汁冷淒涼自弔畫中人夕陽一片桃花影如此
蛾眉最可憐西冷芳草葬嬋娟姻緣領畧人間世莫乞他
生並蒂蓮

雲貞曲

雲貞淮南女子夫以罪戍伊犁雲貞寄家書數百
言語意悽婉讀者傷之

東飛伯勞西飛雁郎戍伊犁城妾住仙遊縣衰紅凋盡楓
亭秋思郎不見思仙遊郎夢歸來妾夢去夜烏啼煞西南
樓去時記得樓前別樓頭夜夜天涯月天涯月照郎復照
妾照郎應照面照妾還照心妾心皎如月古釵墮并銅瓶

深絡緯啼長相思家書萬行淚如讀伯玉盤中詩盤中亦有詩迴文錦字流黃絲上言不歸慎莫憶下言得歸慎莫遲復有千萬言兒女嬌小姑恩慈成客歸家那能必金雞夜赦長流客白蠹成灰字不滅

題蘭陵女冠韻香楷書眞誥

苔花篆瘦瑤壇石玉笙風定松陰碧華陽鶴去已千年人間畱得羣仙籍蘭蘭香深辟蠹魚千行密字寫珍珠當年親受靈妃誥此日新看玉女書墉臺玉女人間少長眉澹學青山埽獨倚春雲看落花遊仙舊路迷蓬島小謫何年下玉京青天碧海憶三生五銖褙褕飄長綬六甲靈飛署小名夢中舊侶瓊輶迎蘭因靜向東華證邢櫻桃去影猶

香郭芍藥來雲不定不賦香奩謝玉臺蛾眉前世本仙才
凡心自懺塵緣淺甘著黃紵入道來雙修福慧從今始芙
蓉湖上仙菴起欲題花葉寄瑤池門前一片鴛鴦水星辰
靜夜叩琳鐘人在禪天第幾重四壁琅函羣玉府三層碧
檻蕊珠宮粲然玉齒香嬰氣生來愛識神仙字讀到靈籙
墨會篇瑤清舊事從頭記木叙芝經次第抄銀鈎楷法問
誰教辰樓修曲丁簾靜不惜晨書玉腕勞烏絲細膩瓊牋
疊七籤書啟雲珠笈想見琳臆染翰時羽衣墨漬靈香濕
左嘯金晨右玉華紫微中夜授餐霞解參青錄眞仙品愛
寫黃庭是六家金錨玉佩珍秦璧琉璃硯冷調雲液寶籙
行行倒薤文仙書幅幅簪花格內外篇分上下章五千言

寫十三行蘭金押尾綢繆印小字分明認韻香沉檀匣啟
金烟歇蠶眠小注窮毫髮爲愛蘭淵玉朗姿焚香讀盡桃
花月我亦人間小謫身碧城回首隔紅塵扁舟他日蘭陵
道歸路先尋寫韻人

贈韻香

楚佩珊珊颺六銖蘭修玉女綰靈符三生佛劫春雲散一
卷仙書夜月孤鬢影低迷小精舍見南史眉痕淡學淺文殊
華陽曾見簪花格誰補鸞岡寫韻圖

題韻香空山聽雨圖

散盡天花丈室閒禪心無夢水雲安袂羅莫似秋雲薄夜
雨空山恐太寒

水閣蕭蕭畫燭昏十年流浪帝京塵一聲斷雁孤舟夜

我亦中年聽雨人

蔣竹山詞中年聽雨客舟中海濶天空斷雁響西風

重過梁溪問韻香病

分明初地散花還也學維摩病可憐小榻低垂蓮帳月幽
房深鎖葯爐烟誦經懺悔勞中夜寫韻辛勤憶隔年莫更
空山頻聽雨避風好坐四禪天

卻因何事苦摧肝愁絕連朝更減餐仙貌瘦于前度影佛
粧慵比昨宵殘人間葯是靈心好世上醫真國手難小坐
題襟還惜別願同修竹報平安

映山巷贈妙明

落花風裏叩禪關瓔珞龕前見玉顏仙境無塵依貝樹佛

烟如夢隱華鬢鶯雛學語經春好龍女譚經鎮日閉我是
當年曹子建一聲清梵過魚山

畫屏女士

聲聲姑惡夜中哀千里廬江去不回一自東南飛孔雀至
今雲影尙徘徊

蘭芝

輕薄登臺怨趙王兒家夫婿侍中郎玉顏婉嬋冰心苦一
曲銀箏陌上桑

羅敷

夢隔黃河水一涯明駝十載送還家沙場百戰橫戈夜如
此英雄卻姓花

木蘭

拋殘舊譜委芳塵金谷香銷草不春玉簫一聲花萬片傷
心怕說墜樓人

宋禕

湖水盈盈繞石頭美人打槳蕩輕舟莫愁兩字空珍重一片春潮我亦愁

莫愁

左右花枝最有情渡頭雙影總盈盈青溪倘有行三妹合與桃花署小名

桃葉桃根

笙鶴瑤天自在行道家粧束亦娉婷簪花書法遊仙意手寫靈飛一卷經

玉真公主

一函唐韻玉題標紙上香濃總不消日暮青山同跨虎求

仙祇願作文簫

吳彩鸞

仙貌如花枉自嬌雲情入夢亦無聊青衣不作隨風絮我

欲吳綾繡綠翹

綠翹

絕代蛾眉此賞音才人遭際美人心我詩不願旗亭唱爲

有紅牕細意吟

雙鬟

雲繪園賞秋分賦得畫本事詩

長史丹青最擅場
開元人物寫唐裝
汾陽小女聰明甚
解向屏風說趙郎

周昉

琅玕玉立澹無塵
涼月窺牕弄影頻
應與畫家添韻事

一
龍墨竹李夫人

李夫人

南朝院體舊名家
一角殘山感夢華
小苑琴聲詠明月
深

紅宮印署楊娃

馬遠

娥娥霞帔麗宮粧
鸚鵡前頭侍上皇
署欵蘭亭數行字
祇

今人說奉華堂

劉妃

斑斑修竹泣湘娥
天水蒼涼舊恨多
惆悵王孫寫芳草
蓮

花莊外正鷗波

管仲姬

已畫觀音贈楚生嬌嬈又見董雙成酒邊寫出紅蓮好一

騎桃花緩轡行

陳洪綬

樂府紅亭海內傳南都宮扇月輪圓美人恨血桃花色畱

得春風二百年

藍瑛

金陵處士本無愁老去癡情尙未休閒聽琵琶看點筆白

雲仙子自風流

史忠

小幅烟巒夕照踈錦囊佳句入黃初玉堂天上風華甚羸

得嬋娟寄素書

朱素娥

流水青溪舊板橋斜風細雨一條條丹青大有冰霜意肯

向章臺舞細腰

林秋香

一枕

一枕高樓夢迴廊
識謝家涼生臨水竹
月上隔簾花盡燭
催斟酒垂鬟學鬪
茶門前烏桕樹白
曉怨啼鴉

春夜

春星斜轉紅樓角
銀葉香消玉漏催
一片天西殘月影
萬花齊上碧紗來

連愛縷詞

雙星斜照蜘蛛屋
繡盡鴛鴦不成幅
別有人間五色絲
柔情暗向燈花祝
彷彿靈梭織得成
紅情綠意兩分明
空勞
言語呼連愛一縷
相思一縷情此縷
繫心不繫臂儂自
愛卿卿解未無情
眷屬有情凝碧海
青天知此意此意
難傳

綠綺琴長卿心事託沉吟三生風月綢繆字方寸星河宛
轉心前程莫問坤靈扇人生難得惟如願紅絲可許再生
緣赤繩不解千秋怨日暮遲遲悵碧雲紅牆一角阻羅裙
便教綰作同心結依舊雙心兩地分

紫簫

團扇風微絳燭燒碧天如水易魂銷玉人肯訴相思意我
願隨身作紫簫

羅衣

羅衣單薄耐黃昏好夢如雲記未真卻下珠簾望明月滿
階花影更無人

一重

一重簾影一重紗一半香痕一半花玉齒燦然成淺笑上
元回首語凌華

微聞笑語隔花飄花暗春屏絳蠅銷朱鳥牕前慣偷覷關
心第一是靈簫

春閨怨四言詩

金微路遠葉砧不歸啼鶯破夢落花自飛空階無人迴風

吹衣

春詞

春水綠苔磯春風花滿衣櫻桃西舍熟蝴蝶南園飛金徽
別調苦玉關宵夢非坐看紅襟燕池上啣泥歸

蔣園詠遊女

碧闌干外見輕雲澹白嬌紅竝出羣比翼鴛鴦在紈扇作
團胡蝶傷羅裙人疑新月初三夜春在桃花四五分一路
苔痕踏青去鳳頭鞵子縷金紋

樊川春恨

玉艷花明冠衆芳仙人第一杜蘭香臨波大有驚鴻態顧
影爭憐墮馬粧宛轉有情緣太淺相思無益恨偏長今生
未必重相見辜負繁華夢一場

憶春詞十首和青荃

茜紗牕子碧紗幬紫玉芳年白玉膚撲蝶自憐羅扇薄調
鸚閒愛畫闌扶秦嘉詩句迴環讀周昉丹青細膩摹香逕
烟銷人迹少自攜鴉觜種文無

雙鸞冶袖碧連環約略風流見一斑
卯酒暈深添笑靨午眠人倦
鞦韆香鬟懷中荳蔻封金合
江上薜蘿憶玉顏曾傷瑣
牕窺曉鏡細調螺子畫青山

梧子蓮儂悵綺懷消愁空有酒如淮
鷓鴣天遠啼紅袖鷓鴣秋寒怨紫
釵雙襍魂消連理初餘香夢憶合
歡鞋最憐鐘斷燈殘後澹月扶花
下玉階

風定簾波咽玉簫啼鶯初歇酒初消
水仙舊約畱金枕侍女芳名喚綠
翹細碎三更梧葉雨相思一夜藕
花潮迴腸繞徧揚州路十二紅樓
廿四橋

佩聲隱約隔重簾別緒誰歌阿誰
鹽大好風光歸燕燕有情眷屬讓
鸚鵡拋殘桐綠琴三尺貼賸花黃
鏡一奩畱得

眞珠兩行字芳名小印桂紅鈴

玉篆畧恩綴網軒青棠開落自黃昏空畱畫篋新吟卷不
浣春衫舊酒痕眉語雙成遙入夢臉波一寸儘消魂桃花
紅瘦斜陽影惆悵重過舊日門

珠箔低垂護曉寒泥人最是曲闌干玉臺明鏡畱雙影團
扇香羅寫合歡秋帳燈花成獨照春屏詩草怕重看青天
碧海迢迢夜省識幽情此際難

舊遊咫尺杳難尋詩滿牙恩月滿襟香篆碧依吟榻靜燭
花紅照畫屏深漫天雲雨纏綿意方寸星河宛轉心一曲
冰絃響秋雪鳳皇飛上落霞琴

傷春傷別總會諳心自玲瓏態自憨皓齒艷歌花下八明

蛾澹寫月初三不逢佳耦生何益得遇同心死亦甘愁絕
畫樓天樣遠牽牛西北雀東南

空江目斷鯉魚槎春恨春愁次第芟碧海三生證離合紅
樓一閉隔仙凡屬裊祇許烏龍臥玉佩休教紫鳳銜自懣
情根除結習名香風定禮金函

閒情

畫閣春光二月初娉婷況是十三餘鶯兒催起繡花史螺
子調成學草書香橙五紋教婢繡春雲雙鬢學孃梳自憐
一種傾城色譜盡羣芳總不如

一庭紅雨萬花飛親叩天台玉女扉粉鏡曉寒梳子瘦畫
屏春雪牡丹肥親題珠字貽綃帕許讀迴文傍錦機底事

天風吹袖急霞綃翻亂五銖衣

流蘇寶帳碧羅縫鬢影衣香記乍逢怕我將離鉏芍藥盼
誰及第種芙蓉偷將隱語呼憐子添得新詞唱懊儂如此
樓臺如此夜那堪夢斷五更鐘

雲鬟十八譚宮鴉倚檻新粧萼綠華暖玉作膚非中酒異
香在骨不關花鏡中濃笑書唐字夢裏微詞說謝家容易
相逢復相別乘鸞空憶碧天霞

玉蟾銅雀稱安排位置端宜到玉臺春氣泥人花綽約神
光畱照月徘徊願隨秦女吹簫去曾聽湘靈鼓瑟來只合
大羅天上住神仙畢竟解憐才

珊珊一水瀉銀河知比愁多比恨多握手幽期證圓月斷

腸心事託微波塵生西閣銷金粉花落南塘怨綺羅自製
明光三十段揮毫題徧曉寒歌

袂衣涼透不禁秋金井鴉啼日暮愁醉裏瓊花新玉蘂夢
中璧月舊紅樓三生陳迹如天遠一片閒情似水柔欲向
寒梅問消息兩山風雨隔羅浮

往事無端悵洗紅蓬山容易路曾通銅鑲門掩桃花雨玉
押簾垂柳絮風七十鴛鴦同命鳥一雙蝴蝶可憐蟲衍波
翦取春江自記前緣證雪鴻

定是

定是瑤臺最小身暫因遷謫到紅塵倚將桂樹知前世種
到芳蘭悟夙因九曲屏迷三里霧一簾花送六朝人臨風

大有驚鴻態擬學陳玉賦洛神

生小聰明性格嬌一雙斑管未全拋學修眉史偏多悟解
賦香奩不待教擊節乍聞金釧響沉吟閒倚玉鈎敲瑣牕
愛讀盧儲賦四壁梅花炙硯抄

銀葉甜香細細薰芳名真合署靈芸春宐茂苑花千樹人
似揚州月二分醉裏狂吟題翠袖牕前流水學羅袞珠簾
日暮東風急吹散巫山一片雲

香塵解爲印蓮躑樂府行纏別有腔玉冊評花名第一瓊
樓倚月貌無雙龍涎暗襲回文鼎螭殼明窺梵字牕何處
春波催畫槳胭脂匯畔木蘭艤

相思

相思爭似不相思
藥苦飴甘祇自知
織到藕絲難作匹
拋殘鈿局本無期
雲同縹緲花同瘦
蠶太纏綿蝶太癡
冷雨寒風眠不得
挑燈自寫斷腸詩

補恨誰翻碧落緣
此身應住四禪天
犀株膽小春如夢
鸞鏡塵封去若仙
讀畫依然花絕代
檢方何處藥延年
傷心最是登樓日
長簾空牀一黯然

脂盞釵翹感舊盟
夢雲難得是分明
十行箏柱畱金雁
一角屏山瘦綠鸚
池上絮飛清有影
簾前花落靜無聲
閒房月色空階雨
心字香銷抵隔生

舊事淒涼倚醉聽
碧城曲曲怕重經
屢逢殘月如新月
數徧張星又角星
紫鳳已隨雲葉杳
烏龍低唱水花腥
仙家

應亦愁良夜風定微聞九子鈴

秋日雜感

天西明月海西潮瓊苑樓臺闌苑簫
賸有藕絲懸水玉更無花樣織冰綃
露凝珠樹踈猶滴雲入銀灣澹不消
低下珠簾看北斗鬱金屏底夜迢迢

青鸞背滑怯雲扶空佩蘭修六甲符
乞食慣尋寒女宅浣花曾過玉孃湖
大羅舞散霓裳冷小海歌殘鈿篋孤
清淺蓬萊家最近瓊田許借種花無

秋水空廊月浸花吹笙曾過衛孃家
簾櫳冰雪流黃簾眷屬神仙萼絲華
七夕踈星遲駕鵲六朝殘夢斷啼鴉
白蘋香散西風起吹澹牕櫺韻字紗

曲闌干外卽紅墻團扇風微泥晚涼雲近畫樓天淺碧風
迴羅幕月昏黃騷人逸興攀淮樹怨女愁根託海棠參透
情禪思學佛香南雪北兩鴛鴦

鴛湖春夢詩爲高爽泉作

春愁如水復如烟舊事重題二十年羅荐溫香銷雨後玉
臺明鏡出花前文魚比目鍼神意梔子同心阿母憐惆悵
罡風吹太惡卻教辜負好姻緣

兩小無猜識面初比肩珍重託明珠檀奴中表情深淺菊
婢聰明事有無憐子苦心秋浦冷懊儂愁味夜燈孤東風
吹皺門前水不信鴛鴦是此湖

聞說雲容絕世稀十眉圖畫五銖衣病中生死堅情愔意

外波瀾候事機春恨百年畱杜牧會真一記感崔徽定知
缺陷終難補花片隨風各自飛

我亦爲君感百端酒痕狼藉墨痕殘坤靈扇薄三生遠續
命絲堅一死難前渡烟波迷畫舫天涯消息隔紅闌梧窗
影事憑誰寫落葉蕭蕭盡檻寒

鳳城重夢詩爲爽泉作用鴛湖春夢詩韻

鳳城春樹綠生烟歷亂飛花感歲年遠寄白魚滄海上甌
停青鳥畫樓前當時風絮拚長別如此雲萍聚可憐滿地
碧梧寒月影爲伊重賦夢中緣

簌錢堂下憶當初碎錦懷中字字珠匣裏琴心原未死水
中花影本來無依然對面青山遠祇覺當頭日月孤多少

生平惆悵事鏡潮消長玉孌湖

金石盟堅似爾稀隔簾重見舊雲衣淚痕冷落流黃簾心

事纏綿織素機解珮祇今感交甫出關當日悵崇徽

歐陽文忠

崇徽公主手痕詩云玉顏自古爲身累

姻緣自有他生在不學鴛鴦一處飛

西風落葉御溝殘臨別題詩感百端花月有情吾輩在人
天無媿此心難晚烟漠漠遲歸舫暮雨瀟瀟晝闌省識
高樓遠相憶芙蓉江上不勝寒

琴心曲

珠簾窈地春燈紅主人醉客邀春風團圓明月夜三五
一庭花霧香濛濛座中慘綠江南客攜琴獨坐花間月自譜
新聲信手彈細將舊事從頭說蘭橈雙槳去年秋曾向西

湖載月遊紅豆低吟波渺渺白蘋閒採水悠悠高城夜靜
沉魚鑰桂華流影驚飛鵲佳客相逢得許衡詞人更復招
孫綽片片流雲送畫橈高樓何處夜吹簫迴環梵宇排三
塔指點蘇堤認六橋銀浦無聲沉萬籟賓朋連轡邀情話
風月無邊鮑照詩湖山如此方干畫午夜無聲月滿天一
聲柔櫓破孤烟秋江三疊臨風弄欲託琴心問水仙紅牆
隱隱離宮近樓臺金碧琉璃映秋花深鎖六宮閒夜烏夢
穩雙隄靜玉宇高寒展畫圖此身濯魄到冰壺夜山如影
人聲寂瑟瑟西風瘦綠蕪忽聞笑語花間出兩美雙雙隄
上立顧影低徊若有情月華如水秋衣濕對此蒼茫百感
生憑將幽意託瑤琴冰絃掩抑焦桐語寫盡相如曲曲心

最憐此際情難識半是躊躇半憐惜人影遙隨花影流芳
心暗與琴心疊羅帶風飄雲鬢斜分明咫尺隔天涯空教
綠綺憐君意何處紅樓是妾家苦向篙師詳姓氏曲中暮
雨依稀是衣香人影最魂銷一葉扁舟歸去矣此時珠斗
影闌干囊住龍腰不再彈獨對銀蟾愁不語夜潮聲急海
門寒歸舟載取新愁重玉釵惆悵牆東宋天風環珮蕩餘
音殘燈紅暈芙蓉夢夢魂彷彿向瑤臺依舊明粧約步來
涼月影中情縹緲萬花深處意徘徊花前月下還相見分
將團扇遮嬌面自言天上謫仙人謝君深意空畱戀雞聲
喔喔動晨光一枕游仙未許長自寫新詞憐蛺蝶空將錦
字託鴛鴦從此段家橋畔路愁過當時鼓琴處滿地苔錢

燕子飛桃花門巷迷
崔護屈指相思秋復春
鏡中眉黛畫中身
祇應一片西冷月
曾照微波解佩人
我聞此言重太息
世間萬事空陳迹
花月嫵緣事有無情
禪參破成鴻雪
我亦人間有半生
花間曾解唱雙行
月中人去琴聲悄
一曲長歌萬古情

董小宛像

射雉城南秋草綠
水繪園荒濺寒瀑
羅裳已作綵雲飛
畫裏依然人似玉
玉人便是董雙成
倭髻嬋娟有盛名
雲魄月魂畱小影
飄花零葉怨前生
玉臺明鏡臨秋水
自惜芳華厭羅綺
世間但得有情郎
美人祇願爲情死
側帽參軍正妙年
未曾識面已心憐
銀灣空濶無梁渡
織女黃姑各

一天半塘春水流花片盡梁淺夢隨春燕眉語分明阿母
知花前記取初相見相見無端又別離尊前遲賦定情詩
瑤光奪壻人何在崔護重來又一時舉頭明月流光白閒
泛扁舟夜橫遂如此簾櫳合有人小樓紅出桐橋側問訊
居然姓氏眞銅鑲親叩木犀門登樓目斷殘燈炮意外相
逢感夙因相逢慘澹眞疑夢思母悲深先一慟更訴三年
苦憶情芳心隱隱畱餘痛憔悴飛蓬掩鬢蟬香桃骨瘦更
堪憐披衣頓覺沉疴失始信人天有夙緣三盤梳掠青絲
織病後娥媚倍傾國來朝同上木蘭舟願學鸚鵡長比翼
細雨孤帆一葦杭初從陽羨下丹陽江山勝處同攜手兩
點金焦接混茫秋期公子求名去釵鈿密約丁寧絮歸來

繡佛閉閒門舞腰肯學章臺樹紅豆相思語綠鸚鵡妾身畢
竟未分明江湖歷盡風波惡不惜尋君冒險行是時白下
方文戰河亭高會開芳讌比肩應勝顧橫波座中姊妹都
心羨還恐蠶絲解脫難債臺高揭碧雲端押衙鹵莽黃衫
誤相對微聞永夜歎虞山蒙叟風流主佳偶河東好眉嫵
信手千金點石成惜花同護鴛鴦譜從此雙飛永好述不
勞西北望牽牛玉梅萬樹橫香雪特向花間起畫樓璇題
艷月鴛鴦字闌干宛轉相思地食譜茶經次第修樓中韻
事仙郎記讀偏宮詞又楚詞手裁玉版寫烏絲一編奩艷
尤新異千古紅閨絕妙辭丹青隨意都娟妙小樹寒叢入
斜照一家女伴盡聰明女羅圓玉應同調龍涎珍重水沉

賒親製宮香學內家洗瓊婢閒新戒酒折枝樣好自栽花
澆花寒汲銀瓶纓愛花兼愛屏山影人坐花中影亦香枕
畱夢繞秋雪冷扣扣紅牋楷法迺承顏大婦更溫柔慣從
畫苑書林坐閒話黃山白嶽遊新宮豈料開東冶黨魁北
部難寬假累人夫壻病愁多恨煞中朝阮司馬風聲鶴唳
總無休纔過風愁水又愁鐵騎橫江森玉帳高家兵馬在
揚州旌旗偏地知誰某潦草弓刀半遊手九死艱難幸一
生倉皇百口兵間走渡江桃葉總流離小住鹽官又幾時
消渴文園原善病中宵藥裹仗支持經年烽火消亭埃爪
洲殘壘苔花繡全家辛苦渡江歸歸來荒圃還依舊祇是
蛾眉病已深更番險阻總驚心塵緣九載匆匆盡海上神

香不可尋曲闌空有明蟾照粧臺無復低鬟笑憶語哀詞
總愴神竟牀長簾安仁悼粉素淋浪畫扇殘湘娥滴淚染
琅玕張侯小傳吳郎詠都作當年本事看月明殘雪新詞
麗梅村老眼憐明慧曾見驚鴻小影來褪紅衫子芙蓉髻
梨雲如夢冷江南畱得生綃玉一龕蟋蟀聲中坏土在披
圖重憶影梅菴

柳如是初訪半野堂小像

媼姪小影雙蛾綠尺五皂紗裹紅玉尙書大婦河東君艷
名早冠章臺曲憶昔初尋半野堂玉顏烏帽學男裝扁舟
夜泛琴川水萬樹梅花接影香尙書養望才名大黨魁北
部曾稱最一席雄談抵目成流連文譙紛佳話名士傾城

願不虛紅牙小印署靡蕪唱酬詩訂東山集花月綠畱西
子湖定情已作經年別本事詩成前七夕便欲佳期傲女
牛紅牕斜對銀河白絳雲樓閣倚高寒金屋藏嬌賦合歡
問到芳年悵遲暮春風重倚玉闌干金石千秋書萬卷琳
瑯都置粧臺畔流水親調綠綺琴墨香小試紅絲硯湘簾
不捲水沉熏一縷爐烟裊篆雲金甌十行繡貝葉烏絲百
幅寫羅袞玉鏡涵秋艷眉嫵肯把芳華付歌舞天下風流
獨有君鼎足王楊妬菲許漆室當年早抱憂南都事業亦
全休尋來舊院無人在話到新亭有淚流園池不貯清流
水尙書強爲蒼生起可憐白髮似紅顏千古傷心艱一死
悔煞鸞篋絕頂爭願從魚腹學湘靈當年沈約曾親見袞

縹緲仙去不成後來北寺譏成獄不惜艱難視餽粥西臺
自和大蘇詩悲涼祇爲賢妻哭屈指葺城賦雖媒花枝紅
豆幾番開靈簫墨會評仙眷翠羽蘭膏識異才尙書手定
詩人集月照香嬰助編輯千秋閨閣幾傳人讀到遺編倍
嗚咽無端怪鳥叫嘻嘻修曲辰樓舊夢非絕似澄心悲一
炬羅幘灰作暮雲飛左家嬌女芳姿好向平願畢凡心了
生平家國恨無窮披緇甘向空門老流離六尺泣遺孤族
子陰謀肆鬼狐國變纔經家難起拚將一死報尙書兒女
英雄心激烈旨學尙書甘負國可惜黃門拒太深丹心卻
被明眸識小福桃花暈酒痕眉樓亦有受恩身嬋娟都被
須臾誤不作忠臣傳裏人

柳如是沉香筆筒

桃葉扁舟憶渡江，玉臺長近畫眉牕。
粧成親校詩人集，曾貯湘筠管一雙。

也合裘鍾記小名，沉香禪味悅溫馨。
真珠四面泥金字，畱得尙書舊日銘。

花開紅豆幾番秋，萬軸琳琅過眼收。
僥倖彤彤簌香一握，劫灰曾避絳雲樓。

先後才名說善持，滄桑心事兩人知。
櫻桃匣底梅花硯，一例新添本事詩。

偶從書肆購得評本玉臺新詠，中有烏絲闌小牋，楷書一絕云：微吟宮體說蕭家，深夜春寒透碧紗。磬

燭欲銷鐘未起櫻桃花落月西斜末署翠卿二字
小印曰鈿字畫婉麗墨迹尙新殆近日閨媛也因
爲和之卽用其韻

矮牋小字合名家簫局香溫韻字紗惆悵無因問芳姓明
河絡角女星斜

雲間女仙凌波子降乩詩云三泖波平塔影孤九峰
寒色冷樓烏誰將周昉丹青筆寫我春江探雪圖
客以予前生叩云是玉局修書使者凡數十人先
後降生人間也改君七薌寫春江探雪圖並以前
事見昔爲題二絕

六出天花萬玉塵烟波寒色下平津扁舟昨向雲間過憶

爾春江探雪人

玉局修書追絕塵勞君鄭重指迷津
瑤清舊事霓裳侶海內於今更幾人

七薌爲余寫玉局修書圖又題二絕

畫中風景似琅嬛
緗素棲心四十年
天上寶書修未竟
又來人世寫丹鉛

百年辛苦自家知
前世修書或有之
往事莫譚蘇學士
夙根須問戒禪師

頤道堂詩外集卷七